



**«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»  
ՀԻՄՆԱԴՐԱՄ**



**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2022**

**ՀԵՏԱԶՈՏԱԿԱՆ ԱՇԽԱՏԱՆՔ**

ԹԵՄԱ	Ինչպես կազմակերպել հետազոտական աշխատանքներ տարրական դպրոցում
ԱՌԱՐԿԱ	Ես և շրջակա աշխարհը
ՀԵՂԻՆԱԿ	Աշխեն Բեյբության
ՄԱՐԶ	Արմանիք
ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ	Վաղարշապատի Խ.Աբովյանի անվան թիվ 4 հիմնական դպրոց

## ՀԵՏԱԶՈՏԱԿԱՆ ԱՇԽԱՏԱՆՔ


### Ինչպես կազմակերպել հետազոտական աշխատանքներ տարրական դպրոցում

Երեխային պետք է այնպես սովորեցնել, որ նրա մեջ ինքնակրթությամբ զբաղվելու ցանկություն առաջանա: Նրան պետք է այնպես դաստիարակել, որ նրա մեջ ինքնադաստիարակման նկատմամբ ձգտում առաջանա:

(Սուխոմլինսկի)

Ուսումն ավելի կայուն է դառնում և բարելավվում է այն ժամանակ, երբ սովորողները անդրադառնում են ուսմանփորձին և նրանց համար դա իմաստ է ունենում: Նրանք սկսում են ավելի բարձր գնահատել իրենց ուսումն այն ժամանակ, երբ սկսում են մտածել այն մասին, թե ինչ են նրանք սովորում, ինչպես են նրանք սովորում և ինչ այլ բան պետք է իմանան: Նորագույն կրթության հայելին ինքնակառավարվող սովորողն է: Նա, ով ընթանում է ինքնակրթության ճանապարհով, ունի հստակ սահմանված տեսլական և նոր գիտելիքներ ձեռքբերելու անհազ ցանկություն: Նման սովորողը չի ընկրկում դժվարության առաջ, հավատում է իր ուժերին և հնարավորություններին:

Ինքնակառավարվող սովորող դաստիարակելու համար կարևոր է ժամանակին տեսնել, դիտարկել երեխայի ունակությունները և հիմք նախապատրաստել նրա ստեղծագործական ունակությունների իրագործման համար: Ահա թե ինչու շատ կարևոր է, որ դպրոցական ուսումնառության հենց առաջին օրերից սկսած երեխան



դառնա ուսումնական գործընթացի ակտիվ մասնակիցը:

Անհրաժեշտ է առաջին դասարանից սովորողներին վարժեցնել հետազոտական գործունեության հետևյալ ձևերին:

- ❖ Մտածել ինքնուրույն
- ❖ Կարդալ գրքերում
- ❖ Փորձեր անցկացնել
- ❖ Հարցնել մեկ ուրիշից

Հետազոտական աշխատանքների նկատմամբ պահանջմունքը պայմանավորված է երեխայի բնույթով: Չէ՞որ երեխան ի ծնե հետազոտող է:

Հետազոտությունների նկատմամբ հակում ունեն բացառապես բոլոր երեխաները: Նոր տպավորությունների անհագ ծարավը, հետաքրքրասիրությունը, փորձ անելու և ճշմարտությունն ինքնուրույն բացահայտելու մշտական ձգտումը հատուկ է վառ երևակայությամբ օժտված և էներգիայով լեցուն երեխաներին: Ուստի ուսուցչից պահանջվում է այդ էներգիան ուղղորդել երեխաների այդ մեծ նպատակի իրականացմանը:

Հետազոտական գործունեությունն անձի ակտիվ ստեղծագործական վերաբերմունքն է շրջապատող աշխարհի նկատմամբ, որն արտահայտվում է պատրաստակամությամբ, աշխարհի ճանաչմանը նպաստող գործնական կարողություններով, զանազան, երբեմն էլ անսպասելի, ոչ կանխատեսված

հետազոտական արդյունքների ստացմամբ և հետագա ճանաչողական գործընթացում դրանց կիրառմամբ: Երեխան սովորում է դիտարկել, խորհել, համեմատել, կատարել եզրահանգումներ, պատասխանել հարցերին և այլն: Հետազոտական գործունեության արդյունքը ոչ միայն գիտելիքներն են, որոնք նա ձեռք է բերում, այլև ճանաչողական գործունեությունն ծավալելու միջոցները, որոնք նպաստում են անձի մտավոր զարգացմանը: Հետազոտության խնդիրներն անպայման պետք է համապատասխանեն տարիքին և գտնվեն սովորողների մերձակա զարգացման գոտում, քանի որ հետաքրքրությունը աշխատանքի նկատմամբ և մատչելիությունը որոշում են աշխատանքի ընթացքը: Տարրական դասարաններում համարյա բոլոր հետազոտական աշխատանքները կրում են կոլեկտիվ բնույթ: Այն սովորեցնում է աշակերտներին աշխատել կոլեկտիվում և ընհանուր հետաքրքրությունները վերդասել սեփականից: Հետազոտական գործունեության ընթացքում լուծվում է հետևյալ կարողությունների զարգացման խնդիրը:

- ❖ Ճանաչողական կարողություն
- ❖ Տեղեկատվական դաշտում կողմնորոշվելու կարողություն
- ❖ Գիտելիքներն ինքնուրույն կիրառելու կարողություն

Հետաքննության վրա հիմնված ուսումնառության փուլերն են՝

- Պլանավորում
- Որոնում
- Մշակում
- Ներկայացում
- Գնահատում

Ստորև ներկայացնում են հետազոտական աշխատանքի իմ օրինակը:

Դասարան՝4\_րդ

Առարկա՝Ես և շրջկաաշխարհը

Թեմա՝Բնությունը տարվա տարբեր եղանակներին

Ենթաթեմա՝ Տարվա եղանակները

Չափորոշիչով սահմանված նպատակներ

1 Գիտելիք \_ Թեմայի ավարտին սովորողը կկարողանա թվարկել տարվա եղանակները և կիմանա, որ տարվա եղանակների փոփոխությամբ փոփոխվում է նաև բնությունը:

2. Հմտ/ կարող \_ Թեմայի ավարտին սովորողը կկարողանա համեմատել տարվա եղանակները և նկարագրել տարվա յուրաքանչյուր եղանակին բնորոշ փոփոխությունները:

3 Արժևորում \_ Կկարողանա արժևորել և կարևորել բնության դերը մարդու կյանքում:

Հետազոտական աշխ.նպատակները

Սովորողների մեջ՝

❖ հաղորդակցական , համագործակցային և ստեղծագործական հմտությունների զարգացում

❖ բնության հանդեպ պատասխանատու վարքագծի ձևավորում

Օգտագործվող ռեսուրսներ \_ գրքեր , տեսախոյութեր, տիտ գործիքներ, համացանց և այլն

Ինտեգրվող առարկաներ \_ Մայրենի, Երաժշտություն , Կերպարվեստ, Տեխնոլոգիա

Աշխատանքի ձևը՝ համագործակցային

Գնահատման տեսակը՝ միավորային, ինքնագնահատման ռուբրիկներ

Ուսուցչի ռազմավարություններ

➤ Սովորողներին տրամադրել իրենց հետազոտական աշխատանքի և գործընթացի գնահատմանը վերաբերող չափանիշներ:

➤ Ուղղորդել սովորողներին և ցույց տալ նրանց համապատասխան տեղեկատվությունը որոնելու ճիշտ ռազմավարություններ:

➤ Ուղղորդել սովորողներին և ցույց տալ նրանց թե ինչպես կարելի է համեմատել, հակադրել և սինթեզել տեղեկատվությունը, նաև օգտագործել ճիշտ ռեսուրսներ:

➤ Խրախուսել և ոգևորել սովորողներին, ստեղծել արդյունավետ պայմաններ աշխատանքի համար:

➤ Սովորողներին տրամադրել ինքնագնահատման ռուբրիկներ՝ գնահատելու իրենց աշխատանքը և ընթացքը: Ռուբրիկները սովորողներին պետք է ներկայացնել և բացատրել նախքան հետազոտական գործընթացն իրականացնելը, որպեսզի երեխաները հստակ գիտակցեն իրենցից ակնկալվող արդյունքը:

## **Փուլ 1 Պլանավորում**

Աշակերտների հետ անցկացնել նախնական զրույց, որի նպատակն է երեխաներին տալ որոշակի ցուցումներ, ներկայացնել առաջադրանքը, օգնել մշակել գործողությունների պլան: Այս փուլում հստակեցվում է յուրաքանչյուր խմբի թեման: Խմբի ներսում դերերի, պարտականությունների բաշխում է կատարվում:

**Քայլ 1** Հետազոտական աշխատանքն իրականացնելու համար ձևավորվում են հետևյալ խմբերը

1 խումբ \_ Գարուն

2 խումբ \_ Ամառ

3 խումբ \_ Աշուն

4 խումբ \_ Ձմեռ

Խմբերը պետք է ուսումնասիրեն և տեղեկություններ հավաքեն տվյալ եղանակի մասին: Ներկայացնեն տրված եղանակը արվեստի ստեղծագործություններում կտավներ, գրական երկեր և այլն: Պետք է ներկայացնեն նաև տվյալ եղանակին նշվող տոները:

**Քայլ 2** Գրատախտակին փակցնել մեծ պաստառ, որի վրա պատկերված կլինեն տարվա եղանակները և հարց ու պատասխանի միջոցով կազմակերպել մտազրոհ: Այն հնարավորություն կտա պատկերացում կազմել թեմայի վերաբերյալ սովորողների իմացության և պատկերացումների մասին:

Օրինակ՝

Ո՞ր եղանակն է պատկերված նկարում, ինչ՞ու՞ էս այդպես կարծում:

- Տարվա ընթացքում ինչպիսի՞ փոփոխություններ են լինում:
- Ո՞րն է տարվա ամենատաք եղանակը:
- Գարնանն ինչպիսի՞ փոփոխություն է կրում բուսականությունը:

**Քայլ 3** Ցուցադրել տեսլուծ, որտեղ սովորողները մատչելի ձևով կձևափոխեն տարվա եղանակներին և կիմանան, որ դրա գլխավոր պատճառն այն է, որ Երկիր մոլորակը պտտվում է Արեգակի շուրջ:

## **Փուլ 2 Որոնում**

**Քայլ 4** Կազմակերպել էքսկուրսիա բնության գիրկ ( դիտել , գրառումներ կատարել, լուսանկարել՝ հնարավորության դեպքում): Այն ունի դաստիարակչական նշանակություն և հնարավորություն կտա սովորողներին ընդլայնել գիտելիքները:

Դիտարկումները կնպաստեն սովորողների պատկերային, տրամաբանական մտածողությանը և տեսածը բանավոր վերարտադրելու կարողությանը:

**Քայլ 5** Այցելությունն պատկերասրահներ՝ տարվա եղանակները պատկերող կտավներ ուսումնասիրելու և քննարկելու համար:

**Քայլ 6.** Այցելել գրադարան, գրադարանավարի օգնությամբ ընտրել համապատասխան գրականություն:

**Քայլ 7** Երաժշտության ուսուցչուհու օգնությամբ փնտրել համապատասխան երաժշտական կատարումներ և ունկնդրել երաժշտության դասաժամին:

**Քայլ 8** Այցելել Բնության թանգարան:

**Քայլ 9** Հանդիպում բնապահպանի հետ:

**Քայլ 10** Սովորողին տրամադրել ժամանակ և հանձնարարել հավաքել լրացուցիչ տեղեկություններ թեմայի վերաբերյալ, որը հնարավորություն կտա ինքնուրույն ուսումնասիրել և ձեռք բերել նոր գիտելիքներ:

Համապատասխան տեղեկատվություն փնտրելու համար սովորողներ ըպետք է կարողանան պատասխանել հետևյալ հարցերին:

- Ի՞նչ տեղեկություն է պետք:
- Որտե՞ղ կարող ենք գտնել այդ տեղեկությունը:
- Ինչպե՞ս կապ հաստատենք մեզ անհրաժեշտ մարդկանց հետ:
- Ինչպե՞ս հարցազրույց վարենք:

Այս փուլում ուսուցիչը սովորողին սովորեցնում է որոնման արդյունավետ ռազմավարություններ:

### **Փուլ 3 Տեղեկատվության մշակման փուլ**

Տեղեկատվության մշակման փուլը բավականին լուրջ և աշխատատար պրոցես է: Հավաքագրված բազմաթիվ և բազմաբնույթ տեղեկատվությունները կարող են սովորողների մոտ հուզական ապրումներ ստեղծել: Ուսուցիչը պետք է ուղղորդի սովորողներին, ցույց տա , թե ինչպես կարող են համադրել, համեմատել , սինթեզել տեղեկատվությունը: Կարևոր է նաև այն , որ աշխատանքն ընթանա ջերմ մթնոլորտում, որտեղ յուրաքանչյուր սովորող կզգա իր կարևորությունը: Համատեղ աշխատանքի, քննարկումների արդյունքում սովորողներն առանձնացնում են կարևոր տեղեկատվությունը , խմբավորում դրանք (գարգանում է երեխաների քննադատական և վերլուծական մտածողությունը):

**Փուլ 4 Արդյունքների ներկայացման փուլ** (Տարաբնույթ ձևերով արդյունքների ներկայացում):

Այս դեպքում աշակերտները հետազոտական ուսումնասիրության արդյունքները որոշեցին ներկայացնել դաս միջոցառման տեսքով՝ օգտվելով նաև « Շրջայց պատկերասրահում» մեթոդից ( երեխաները սովորում են հիմնավորված շարադրել իրենց մտքերը):

**Փուլ 5 Գնահատում**

Գնահատման ընթացքում հաշվի է առնվում բովանդակությունը, գեղարվեստական ձևավորումը, ստեղծագործական մոտեցումը, սովորողի ներդրման չափը խմբային գործունեության ընթացքում:

Չափանիշներ	Գերազանց	Լավ	Բավարար
Հետազոտության կատարում	Անցկացված հետազոտությունը տարբերվում է իր խորությամբ, ստեղծագործական մոտեցմամբ:	Անցկացված է խորությամբ, բայց չի ցուցաբերել ստեղծագործական մոտեցում:	Հետազոտությունը անցկացվել է մակերեսորեն: Չի ցուցաբերել ինքնուրույնություն , ստեղծագործական մոտեցում:
Տեղեկատվական աղբյուրների քանակը	Ընտրված են մեծ քանակությամբ ճշգրիտ տեղեկատվության աղբյուրներ:	Օգտվել է 1_2 տեղեկատվական աղբյուրներից, բացակայում է մեջբերումները:	Տեղեկատվական աղբյուրների քանակը բավարար չ է, 1 տեղեկ.աղբյուրից, որը բավական չէ թեման ամբողջությամբ բացահայտելու համար:
Թիմային, համագործակցային	Ճշգրիտ պլանավորված է	Համատեղ գործողությունները	Չկա համակարգված



աշխատանքը	համատեղ գործողությունները: Քննարկումների մասնակցել են բոլոր աշակերտները:	պլանավորված են, բայց կան որոշակի թերացումներ: Ոչ բոլոր մասնակիցներն են ակտիվ մասնակցել քննարկմանը:	աշխատանք: Խմբի ոչ բոլոր անդամներն են մասնակցել քննարկմանը:
Նպատակների և աշխատանքի արդյունքների համապատասխանությունը	Կատարված հետազոտությունը պատասխանում է նպատակներում ձևակերպված հարցերին:	Հիմնականում պատասխանում է նպատակներում ձևակերպված հարցերին, բայց ներկայացված է ոչ համակարգված:	Կատարված հետազոտությունը աննշան կերպով է պատասխանում նպատակներում ձևակերպված հարցերին:
Պրոդուկտը ներկայացնելու հմտությունները	Խոսքը պարզ է և հասկանալի, օգտագործում է աչքերի կոնտակտը հանդիսատեսին ներգրավելու համար:	Խոսքը պարզ է, սակայն կա որոշակի կաշկանդվածություն:	Ձայնը լսելի չէ, չի կարողանում գրավել հանդիսատեսին:

Ինքնագնահատման ռուբրիկ

	Գրեթե միշտ 3	Երբեմն 2	Հազվադեպ 1
Մասնակցել եմ քննարկումներիս			
Ձգալի աշխատանք եմ կատարել			
Գովել եմ թիմակիցներիս ջանքերը			

Դիմել եմ փոխզիջման և ջանք թափել հանդուրժող լինելու համար			
Փոխանակել եմ մտքերս			
Մյուսներին ներգրավել եմ քննարկման մեջ			
Ներկայացել եմ անհրաժեշտ սյուլթերով			

### Օգտագործված գրականության ցանկ

1. «Նախաշավիղ» գիտամեթոդական հանդես
2. «Գործնական աշխատանքներ մայրենիից», ԿարինեԹորոսյան, Կարինե  
Զիբուխյան, Ե.2012

<https://youtu.be/KTzthSmpZbU>

<https://youtu.be/YM6nMQbcKEk>

<https://youtu.be/k4leR3o5-ro>

<https://wordwall.net/ru/resource/23309976>

<https://learningapps.org/view21676070>

